

■ CONVIVENZA

Tgi sun jau e tgi es ti?

DAD ANNA NEGRINI

Ta regordas da quel cun il nas grond, quel che gieva adina a spass sin via?» u «Enconuschas quella che fa adina uschè tgutgas dumondas durant las prelecziuns, uschia che l'attenziun en l'auditori na tutga betg pli al docent?» u perfin «Jau manegel quella dunna cun chavels grischs ed ina goba ch'è adina uschè curtaschaivla e dumonda co ch'i va.» A mai èsi dà en egl che nus discurren per gronda part da characteristics d'identitad externas, cunzunt cura che nus n'enconuschain betg propi ina persuna. Il pli savens reduceschan questas constataziuns las personas a lur tratgs ils pli singulars.

In discurs tranter dus enconuschents che tracta d'ina terza persuna senza savair ses num vegn per gronda part manà cun far diever da characteristics che descrivan l'exteriur da quella persuna. Quai pussibilteschas als dus participants dal discurs da chapir da tge persuna ch'i vegn discurren. Nus ans orientain alura il pli tenor characteristics ve-saivlas che faciliteschan la comunicaziun e l'identificaziun da quella persuna.

Essan nus lura la summa da las characteristics che noss concarstgauns define-schan? Alura fiss la popula-zium il spievel che reflecte-scha nossa identitad. Nus fissan definids tenor normas ordaifer da nus sez. Ma es-san nus propi tut quai che noss concarstgauns percepe-schan? Bleras giadas, cunzunt en l'ambient public, mussain nus in maletg arti-fizial da nossa identitad. Sco per exempel en sortida, cura ch'ìls blers guardan in pau dapli sin lur cumparsa ed adattan quella a lur am-bient. Essan nus en quel mument anc adina fidaivels a nus sez? Quai è ina du-monda ch'è fitg greva da re-sponder. En sasez è quella midada d'apparientscha in sforz d'ordvart e per nus pe-rò gia insatge normal. Pertge na duess jau betg ir en sortida sco quai che jau sun ida oz a scola ubain a lavu-rar? Pertge na duess jau betg ir en mia vestgadira da mintga di a ma preschentar per ina nova piazza

Nus pudessan però er nesser quella persuna che nus percepin d'esser. Per part na sa cunfa nossa per-cepziun betg cun la percep-zium exteriura che noss con-carstgauns han. Quantas

giadas avain nus gia senti ch'i vegniva discurren da nus e nus na savevan betg propi suandar quel giudicament.

Ala fin finala èsi mo im-purtant co che nus ans percepin sez. Nus avain gia tuts fatg l'experientscha che carstgauns ans pon giudi-tgar u percepir a moda cumpletta-main differenta. Nus duessan er empruvar da betg dar memia blera paisa a l'opiniun dals auters, uschiglio na pudain nus far endretg a nagin. Tenor mia opiniun ha mintga singul cuntanschì gia ina massa sch'el vegn da far quai che para endretg ad el sez.

*** Anna Negrini è creschida si a Savognin. Ella ha fatg la matura bilingua e studegia a la Scuola auta da pedagogia dal Grischun.**

Vocabulari

ir a spass = spazieren gehen
tgutg = blöd
chavels grischs = graue Haare
goba = Buckel
curtaschaivel = freundlich, höflich
ìls tratgs ìls pli singulars = die auf-fälligsten Züge
facilitar = erleichtern
spievel = Spiegel
percepir = wahrnehmen
la cumparsa = das Äussere
apparientscha = Erscheinung
vestgadira da mintgadi = Alltags-
kleidung
cunfar = übereinstimmen
judicament = Beurteilung

**Unterstützt von der
Lia Rumantscha**